



ს ა ქ ა რ თ ვ ე ლ ო
ვ ა ნ ი ს მ უ ნ ი ც ი პ ა ლ ი ტ ე ბ ი ს ს ა კ რ ე ბ უ ლ ო
G E O R G I A
M U N I C I P A L I T Y C O U N C I L O F V A N I



ოქმი:ლ65. 6523131001

თარიღი:11/05/2023

ვანის მუნიციპალიტეტის საკრებულოს რიგითი

სხდომის ოქმი N 6

ქ. ვანი, თავისუფლების ქ. N65 10.05.2023 წ.

ვანის მუნიციპალიტეტის საკრებულოს სხდომას თავმჯდომარეობდა საკრებულოს თავმჯდომარის პირველი მოადგილე - **გიორგი ივანიაძე**.

სხდომას ესწრებოდა საკრებულოს 22 წევრი: გიორგი ივანიაძე, დავით ხარძეიშვილი, გრიგოლ მაჭარაძე, გელა ღვიტიძე, გელა ვარდოსანიძე, კობა ტოხვაძე, გელა ჩიკვაძე, ლია დიასამიძე, სანდრო ხურციძე, ლანა გოგოძე, ილია დვალისვილი, გიორგი ტყეშელაშვილი, ბიჭიკო პაიკიძე, ივანე კორძაძე, შალვა ლორთქიფანიძე, ტარიელ ბარამიძე, თეონა ადეიშვილი, ეთერი ჭიჭინაძე, ალექსანდრე მუავანაძე, ნატო დვალი, ლიზა ტყეშელაშვილი, კობა ძაგნიძე.

სხდომას საპატიო მიზეზით არ ესწრებოდნენ საკრებულოს წევრები: ალექსანდრე ლილუაშვილი, შოთა გიორგაძე, ვლადიმერ ჭვალაძე, რამაზ არველაძე, მაკა ჯარნაძე, თამარ შენგელია, თორნიკე ერისთავი, დავით კაკაბაძე.

(დანართი: N1)

სხდომას ასევე ესწრებოდნენ:

საკრებულოს აპარატის უფროსის მოვალეობის შემსრულებელი - **ლუიზა ჯოგლიძე**.

საკრებულოს აპარატის იურიდიულ და საორგანიზაციო საკითხთა განყოფილების უფროსის მოადგილე საორგანიზაციო საკითხებში - **ლუბა გოგოძე**.

მოწვეული პირები:

ვანის მუნიციპალიტეტის ა.ა.ი.პ „კომუნალური გაერთიანების“ მთავარი

სპეციალისტი - ბადრი ფირანაშვილი.

ვანის მუნიციპალიტეტის მერიის ეკონომიკის და მუნიციპალური ქონების მართვის სამსახურის უფროსი - **ზვიად კაპანაძე**;

სხდომის თავმჯდომარე გიორგი ივანიაძე საკრებულოს ღია სხდომას 14⁰⁰ საათზე გახსნილად აცხადებს.

სხდომის თავმჯდომარემ სხდომას გააცნო დღის წესრიგის პროექტი:

დღის წესრიგი

1. ვანის მუნიციპალიტეტის საკრებულოს წევრების, გარდა პოლიტიკური თანამდებობის პირებისა, 2023 წლის აპრილის თვის ხარჯების ანაზღაურების შესახებ;

მომხს.: გელა ჩიკვაიძე

2. ვანის მუნიციპალიტეტის მუნიციპალური ნარჩენების მართვის გეგმის (2023-2027 წლები) დამტკიცების შესახებ;

მომხს.: ბადრი ფირანაშვილი

3. „საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის და რეგიონული პროექტების შერჩევის პროცედურების და კრიტერიუმების დამტკიცების შესახებ“ საქართველოს მთავრობის 2013 წლის 7 თებერვლის N23 დადგენილების ფარგლებში, ვანის მუნიციპალიტეტის 2022-2023 წლების სამოქმედო გეგმის მოწონების შესახებ“ ვანის მუნიციპალიტეტის საკრებულოს 2022 წლის 13 აპრილის N გ-65.65221035 განკარგულებაში ცვლილების შეტანის თაობაზე;

მომხს.: მამუკა ნამიჭეიშვილი

4. „ვანის მუნიციპალიტეტში 2023 წელში განსახორციელებელი სოფლის მხარდაჭერის პროგრამის ფარგლებში დასახლებების მიხედვით შერჩეული პროექტების დამტკიცების შესახებ“ ვანის მუნიციპალიტეტის საკრებულოს 10/03/2023 წლის N გ-65.65230692 განკარგულებაში ცვლილების შეტანის თაობაზე

მომხს.: მამუკა ნამიჭეიშვილი

5. „ვანის მუნიციპალიტეტის საპრივატიზებო და სარგებლობის უფლებით გადასაცემ ობიექტთა ნუსხაში მუნიციპალური საკუთრების ობიექტების შეტანის, საპრივატიზებო ობიექტთა ნუსხაში შეტანილი ობიექტების საწყისი საპრივატიზებო ღირებულების და სარგებლობის უფლებით გადასაცემ ობიექტთა ნუსხაში შეტანილი ობიექტების სარგებლობის ფორმის, სარგებლობის ვადის და წლიური საიჯარო ქირის განსაზღვრის თაობაზე“ ვანის მუნიციპალიტეტის საკრებულოს 2020 წლის 27 მაისის N 27 9 განკარგულებით, ვანის მუნიციპალიტეტის საპრივატიზებო ობიექტთა ნუსხაში მუნიციპალური საკუთრების ობიექტად შეტანილი, ქ. ვანში, თამარ მეფის ქუჩაზე მდებარე 8320 კვმ არასასოფლო-სამეურნეო დანიშნულების მიწის ნაკვეთის და მასზე განთავსებული შენობა-ნაგებობების (ს/კ 31.01.24.207) საწყისი საპრივატიზებო ღირებულების განსაზღვრის თაობაზე“

მომხს.: ზვიად კაპანაძე

დაადგინეს: დღის წესრიგი მიღებულ იქნა წარმოდგენილი სახით.

მოხსენეს:

დღის წესრიგით გათვალისწინებულ პირველ საკითხთან დაკავშირებით მომხსენებელმა გელა ჩიკვაიძემ წარმოადგინა განკარგულების პროექტი „ვანის მუნიციპალიტეტის საკრებულოს წევრის, გარდა საკრებულოს პოლიტიკური თანამდებობის პირისა, უფლებამოსილების განხორციელებასთან დაკავშირებული ხარჯების ანაზღაურების შესახებ“;

მომხსენებელმა აღნიშნა, რომ ვანის მუნიციპალიტეტის საკრებულოს 2021 წლის 29 დეკემბრის N27 დადგენილების შესაბამისად და ვანის მუნიციპალიტეტის საკრებულოს აპარატის იურიდიული და საორგანიზაციო საკითხთა განყოფილების უფროსის 2023 წლის 02 მაისის N65.-6523122001 მოხსენებითი ბარათის საფუძველზე, აპრილის თვეში საკრებულოს წევრ არათანამდებობის პირებს ხარჯების ანაზღაურებისთვის ჩაერიცხოთ თითოეულს 744 ლარი.

წარმოდგენილი პროექტის მიმართ შენიშვნები არ გამოთქმულა. სხდომის თავმჯდომარემ კენჭი უყარა განკარგულების პროექტს:

მომხრე - 22

წინააღმდეგი - არცერთი.

გადაწყვიტეს: დამტკიცდეს განკარგულების პროექტი „ვანის მუნიციპალიტეტის საკრებულოს წევრის, გარდა საკრებულოს პოლიტიკური თანამდებობის პირისა, უფლებამოსილების განხორციელებასთან დაკავშირებული ხარჯების ანაზღაურების შესახებ“;

განკარგულება N გ-65231300001

მოხსენეს:

დღის წესრიგით გათვალისწინებულ მეორე საკითხთან დაკავშირებით მომხსენებელმა ბადრი ფირანაშვილმა წარმოადგინა „ვანის მუნიციპალიტეტის მუნიციპალური ნარჩენების მართვის გეგმის (2023-2027 წლები) დამტკიცების შესახებ.“

მომხსენებელმა განმარტა, რომ სტრატეგიის მიზანია საქართველოში ნარჩენების მართვის განვითარების პროცესის ჰარმონიზება ევროკავშირის ნარჩენების მართვის პოლიტიკასთან. სტრატეგიის განხორციელების მიზნით შემუშავებულია ნარჩენების მართვის ეროვნული სამოქმედო გეგმა. სტრატეგია და სამოქმედო გეგმა საქართველოს ნარჩენების მართვის პოლიტიკის განუყოფელი ნაწილებია.

ნარჩენების მართვის კოდექსი მუნიციპალიტეტებს აძლევს ერთად მუშაობის საშუალებას. ჩვენი მუნიციპალიტეტის მსგავს საქმიანობაში ჩართული არ არის. გეგმის მოქმედების განმავლობაში მუნიციპალიტეტი შეისწავლის თუ რა სახის თანამშრომლობა დამყარდეს მეზობელ მუნიციპალიტეტებთან. უპირველეს ყოვლისა ყურადღება გამახვილდება სხვადასხვა საკითხებზე. უკვე ნახსენები თემებთან ერთად მეზობელ მუნიციპალიტეტებთან თანამშრომლობა აგრეთვე შეეხება ბიოდეგრადირებადი ნარჩენების შეგროვებასა და რეციკირებას, ასევე საჯარო ცნობიერების ამაღლების საკითხებს.

ქუჩების დასუფთავება, ნარჩენების შეგროვება, სახლებიდან, საჯარო დაწესებულებებიდან, ბაზრებიდან აგრეთვე ნარჩენების საბოლოო განთავსება არ არის უფასო მომსახურება. სახელმწიფომ და შესაბამისად მუნიციპალიტეტმა შეიმუშავეს ე.წ. „დამაბინძურებელი იხდის“. პრინციპი რომლის თანახმად ნარჩენების წარმოქმნილი იხდის შეგროვებისა და განთავსების ხარჯებს. ოჯახებში წარმოქმნილ ნარჩენებს აგროვებს მუნიციპალიტეტი, ხოლო ნარჩენების მოსაკრებელს არეგულირებს კანონმდებლობა. მუნიციპალიტეტში მოსახლეობიდან მოსაკრებლის ამოღება დაგეგმილია 2024 წლიდან, რომელიც დაეფუძნება ერთ სულ მოსახლეზე ნარჩენების წარმოქმნის მაჩვენებელს, რათა თავიდან იქნეს აცილებული საინვესტიციო ხარჯების ცალკეულ პირზე გადაჭარბებით დაკისრება. შეგროვების სისტემა დაბალანსდება მომსახურების

მაღალ ხარისხსა და შეგროვების მაჩვენებელს შორის. ღონისძიებები, რის შედეგადაც შემცირდება ნაგავსაყრელზე საბოლოო განთავსების ხარჯები. ნარჩენების არაკანონიერი განთავსების შემთხვევაში გამოყენებული იქნება კანონით გათვალისწინებული საჯარიმო სანქციები, რომლის განხორციელება მუნიციპალიტეტის ზედამხედველობის სამსახურს ევალება.

წარმოდგენილი პროექტის მიმართ შენიშვნები არ გამოთქმულა. სხდომის თავმჯდომარემ კენჭი უყარა განკარგულების პროექტს:

მომხრე - 22

წინააღმდეგი - არცერთი.

გადაწყვიტეს: დამტკიცდეს განკარგულების პროექტი „ვანის მუნიციპალიტეტის მუნიციპალური ნარჩენების მართვის გეგმის (2023-2027 წლები) დამტკიცების შესახებ.“

განკარგულება: N გ-65.231302

მოისმინეს:

დღის წესრიგით გათვალისწინებულ მესამე საკითხთან დაკავშირებით მომხსენებელმა მამუკა ნამიჭეიშვილმა წარმოადგინა „საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის და რეგიონული პროექტების შერჩევის პროცედურების და კრიტერიუმების დამტკიცების შესახებ“ საქართველოს მთავრობის 2013 წლის 7 თებერვლის N23 დადგენილების ფარგლებში, ვანის მუნიციპალიტეტის 2022-2023 წლების სამოქმედო გეგმის მოწონების შესახებ“ ვანის მუნიციპალიტეტის საკრებულოს 2022 წლის 13 აპრილის N გ-65.65221035 განკარგულებაში ცვლილების შეტანის თაობაზე;

მომხსენებელმა აღნიშნა, რომ დიხაშხოს ადმინისტრაციულ ერთეულში სოფ. ისრითში წყალმომარაგების სათავე ნაგებობა და წყლის სისტემა ამორტიზირებულია. არის წყლის მარაგის დიდი დანაკარგი. აღნიშნული წყალმომარაგების ობიექტზე და მის ინფრასტრუქტურაზე ოპერირებას არ ახორციელებს სასმელი წყლისა და წყალარინების მომსახურების მომწოდებელი შესაბამისი ლიცენზიანტი.

პროექტი ითვალისწინებს სათავე ნაგებობის და შემკრებ-გამანაწილებელი სისტემის რეაბილიტაციას.

წარმოდგენილი პროექტის მიმართ შენიშვნები არ გამოთქმულა. სხდომის თავმჯდომარემ კენჭი უყარა განკარგულების პროექტს:

მომხრე - 22

წინააღმდეგი - არცერთი.

გადაწყვიტეს: დამტკიცდეს განკარგულების პროექტი „საქართველოს სახელმწიფო ბიუჯეტით გათვალისწინებული საქართველოს რეგიონებში განსახორციელებელი პროექტების ფონდიდან დასაფინანსებელი ადგილობრივი თვითმმართველობის და რეგიონული პროექტების შერჩევის პროცედურების და კრიტერიუმების დამტკიცების შესახებ“ საქართველოს მთავრობის 2013 წლის 7 თებერვლის N23 დადგენილების ფარგლებში, ვანის მუნიციპალიტეტის 2022-2023 წლების სამოქმედო გეგმის მოწონების შესახებ“ ვანის მუნიციპალიტეტის საკრებულოს 2022 წლის 13 აპრილის N გ-65.65221035 განკარგულებაში ცვლილების შეტანის თაობაზე;

განკარგულება N გ-65.65231303

მოისმინეს:

დღის წესრიგით გათვალისწინებულ მეოთხე საკითხთან დაკავშირებით მომხსენებელმა მამუკა ნამიჭეიშვილმა წარმოადგინა „ვანის მუნიციპალიტეტში 2023 წელში განსახორციელებელი სოფლის მხარდაჭერის პროგრამის ფარგლებში დასახლებების მიხედვით შერჩეული პროექტების დამტკიცების შესახებ“ ვანის მუნიციპალიტეტის საკრებულოს 10/03/2023 წლის N გ-65.65230692 განკარგულებაში ცვლილების შეტანის თაობაზე.

მომხსენებელმა აღნიშნა, რომ შუამთის ადმინისტრაციული ერთეულის სოფ. ჭყვიში სოფლის მხარდაჭერის პროგრამის ფარგლებში მოსახლეობის ჩართულობით შერჩეული და 2023 წელს განსახორციელებელ პროექტებში საჭირო გახდა შეტანილიყო ცვლილება, წარმოდგენილი სათანადოდ შედგენილი ოქმის და მოხსენებითი ბარათის საფუძველზე მოთხოვნილია პროექტებში ცვლილების შეტანა, პროგრამიდან ამოსაღებია „სახიდე გადასასვლელის მოწყობა (არსებული მასალებით)“ ღირებულებით 3400 /სამიათას ოთხასი/ ლარი. ლოკაცია სადაც უნდა მოწყობილიყო სახიდე გადასასვლელი სანაპირო ზოლი ჩამოშალა მდინარემ. აღნიშნულის გათვალისწინებით ხორციელდება პროექტის ამოღება. თანხა 3400 ლარი გადაემატება 8000 ლარიან პროექტს „მდინარე ყუმურზე გადასასვლელის მოწყობა“.

წარმოდგენილი პროექტის მიმართ შენიშვნები არ გამოთქმულა. სხდომის თავმჯდომარემ კენჭი უყარა განკარგულების პროექტს:

მომხრე - 22

წინააღმდეგი - არცერთი.

გადაწყვიტეს: დამტკიცდეს განკარგულების პროექტი „ვანის მუნიციპალიტეტში 2023 წელში განსახორციელებელი სოფლის მხარდაჭერის პროგრამის ფარგლებში დასახლებების მიხედვით შერჩეული პროექტების დამტკიცების შესახებ“ ვანის მუნიციპალიტეტის საკრებულოს 10/03/2023 წლის N გ-65.65230692 განკარგულებაში ცვლილების შეტანის თაობაზე.

განკარგულება N გ-65.65231304

მოისმინეს:

დღის წესრიგით გათვალისწინებულ მეხუთე საკითხთან დაკავშირებით მომხსენებელმა ზვიად კაპანაძემ წარმოადგინა განკარგულების პროექტი „ვანის მუნიციპალიტეტის საპრივატიზებო და სარგებლობის უფლებით გადასაცემ ობიექტთა ნუსხაში მუნიციპალური საკუთრების ობიექტების შეტანის, საპრივატიზებო ობიექტთა ნუსხაში შეტანილი ობიექტების საწყისი საპრივატიზებო ღირებულების და სარგებლობის უფლებით გადასაცემ ობიექტთა ნუსხაში შეტანილი ობიექტების სარგებლობის ფორმის, სარგებლობის ვადის და წლიური საიჯარო ქირის განსაზღვრის თაობაზე“ ვანის მუნიციპალიტეტის საკრებულოს 2020 წლის 27 მაისის N 27 9 განკარგულებით, ვანის მუნიციპალიტეტის საპრივატიზებო ობიექტთა ნუსხაში მუნიციპალური საკუთრების ობიექტად შეტანილი, ქ. ვანში, თამარ მეფის ქუჩაზე მდებარე 8320 კვმ არასასოფლო-სამეურნეო დანიშნულების მიწის ნაკვეთის და მასზე განთავსებული შენობა-ნაგებობების (ს/კ 31.01.24.207) საწყისი საპრივატიზებო ღირებულების განსაზღვრის თაობაზე“

მომხსენებელმა აღნიშნა რომ, არ მოხდა ამ ობიექტის პრივატიზება სავარაუდოდ მაღალი ფასის გამო. ამიტომ „მუნიციპალიტეტის ქონების პრივატიზების, სარგებლობისა და მართვის უფლებებით გადაცემის, საპრივატიზებო საფასურის, საწყისი საპრივატიზებო საფასურის, ქირის საფასურის, ქირის საწყისი საფასურის განსაზღვრის და ანგარიშსწორების წესების“ მე-13 მუხლის მე-2 პუნქტის შესაბამისად, გადავწყვიტეთ საწყისი საპრივატიზებო ღირებულება განისაზღვროს 250000 (ორას ორმოცდაათი ათასი) ლარის ოდენობით.

წარმოდგენილი პროექტის მიმართ შენიშვნები არ გამოთქმულა. სხდომის თავმჯდომარემ კენჭი უყარა განკარგულების პროექტს:

მომხრე – 21

წინააღმდეგი – არცერთი.

საკრებულოს ერთმა წევრმა ნატო დვალმა კენჭისყრაში მონაწილეობა არ მიიღო.

გადაწყვიტეს: დამტკიცდეს განკარგულების პროექტი „ვანის მუნიციპალიტეტის საპრივატიზებო და სარგებლობის უფლებით გადასაცემ ობიექტთა ნუსხაში მუნიციპალური საკუთრების ობიექტების შეტანის, საპრივატიზებო ობიექტთა ნუსხაში შეტანილი ობიექტების საწყისი საპრივატიზებო ღირებულების და სარგებლობის უფლებით გადასაცემ ობიექტთა ნუსხაში შეტანილი ობიექტების სარგებლობის ფორმის, სარგებლობის ვადის და წლიური საიჯარო ქირის განსაზღვრის თაობაზე“ ვანის მუნიციპალიტეტის საკრებულოს 2020 წლის 27 მაისის N 27 9 განკარგულებით, ვანის მუნიციპალიტეტის საპრივატიზებო ობიექტთა ნუსხაში მუნიციპალური საკუთრების ობიექტად შეტანილი, ქ. ვანში, თამარ მეფის ქუჩაზე მდებარე 8320 კვმ არასასოფლო-სამეურნეო დანიშნულების მიწის ნაკვეთის და მასზე განთავსებული შენობა-ნაგებობების (ს/კ 31.01.24.207) საწყისი საპრივატიზებო ღირებულების განსაზღვრის თაობაზე“

განკარგულება N გ-65.65231305

დღის წესრიგით გათვალისწინებული საკითხების განხილვის შემდეგ საკრებულოს რიგითმა სხდომამ მუშაობა დაამთავრა.

გიორგი ივანიაძე

ვანის მუნიციპალიტეტის საკრებულო-საკრებულოს თავმჯდომარის პირველი მოადგილე

გამოყენებულია კვალიფიციური ელექტრონული ხელმოწერა/ ელექტრონული შტამპი

